

總目

巡幸恭紀


序文

例言

書法

恩榮考

宗圖



卷一

一

二

三

四

五

六



洞庭席氏支譜目錄

世系

宗派圖

命名詩

支譜

載記

梁東陽郡守湘西侯威公

像贊

周昌州刺史子堅公

像贊



唐禮部尚書封襄陽縣子贈江陵大都督文公

集賢殿手敕

新唐書列傳

附跋語二則

晉仲公像贊


陳伯雨寄像啓

唐武衛上將軍李厚公

家傳略

附跋語七則

祖德頌一篇



跋語二則

文獻序一篇

譜頌一篇

祖頌一篇

跋語一則


明處士聽濤公

聽濤居記

附跋語一則

筠軒自題詩及贈言

明贈同鄉鄉祭酒怡泉公



誥命一道

御選鄒

贈怡泉公重修家廟詩

吳縣志傳

居家襍儀序

同里業序

明贈淑人鄭太淑人

秀水姚序

△誥命一道

徐序

明贈淑人朱太淑人

吳嚴序

△誥命一道


萬跋

明贈淑人吳太淑人

自叙

△誥命一道

手前十則



墓誌銘

明贈同卿鄉祭酒右源公

誥命一道

墓表

家傳


行狀

哀誄

鄉飲錄

明封淑人吳太淑人

誥命一道





墓誌銘

墓表

家傳

明授亞中大夫太僕寺少卿留都副節使

皇清郡舉鄉飲大賓崇祀鄉賢贈文林郎晉贈資政大夫


香林公

△明誥命一道

△敕命一道

△誥命一道

擬明史列傳



蘇州府志列傳

又蘇州府志列傳

吳縣志列傳

具區志傳

太湖倫考傳

墓誌銘


墓表

家傳

又

誄

行狀



司廷帝天支譜

卷之...

行略

家乘序

吏部題疏

鄉飲錄

崇祀錄


明封淑人

皇清贈太夫人吳太夫人

△明誥命一道

△敕命一道

△誥命一道



墓誌銘

墓表

行略

贈太夫人譚太夫人

誥命一道

內閣中書舍人

誥贈奉直大夫


晉贈奉政大夫

累贈資政大夫崇祀鄉賢嘯濱公

誥命一道

誥命一道

誥命一道



吳縣志列傳

太湖備考傳

墓誌銘

墓表

家傳

徐漢

又家傳魏漢

誄文

哀辭

行略述


△畜德錄序

△畜德錄自序

△崇祀錄

累封太宜人

晉封太夫人嚴太夫人



△誥命一道

△誥命一道

△誥命一道

行述

國子監典簿恣菴公


△吳縣志列傳

墓誌銘

家傳

△又

行述



例封孺人吳太孺人

行略

太學生愚山公

陶孺人

家傳

記略

朱太孺人

行略

憲旌錄

勅贈修職郎安徽績谿縣教諭邑庠生戎邨府君

墓誌銘

行述

勅封太孺人席母顧太孺人

傳畧

例授徵仕郎恩進士

候選直隸州判官

標前自傳


教授脩職郎績谿縣教諭

績谿縣教諭

家傳

例贈孺人汪孺人

家傳



祠墓

席氏始祖祠堂圖

席氏四世家廟圖

贈同卿鄉飲賓右源公祠堂圖

同卿贈資政大夫香林公祠堂圖


席氏家廟碑記

席氏先祠記

唐武衛上將軍李厚公墓圖

處士聽濤公 贈同卿怡泉公暨怡川怡瀾觀源三

公墓圖






贈同卿右源公墓圖

同卿贈資政大夫香林公墓圖

封太夫人譚太夫人墓圖

中翰贈資政大夫嘯濱公墓圖



著撰

怡泉公

居家襟儀二卷

香林公

格言類編十六卷


正心纂要

宗法考

鄉飲考

讀禮卮言

纂訓



同進書天文普

卷之三

積粟備糶說

義莊積米條約

義塾勸戒條約

家乘自叙


又

嘯濱公

畜德錄二十卷

家乘後序

附治齋公家乘後序



康熙三十八年

聖駕南巡駐蹕蘇州四月初三日起更時傳

旨明日往東山初四日巳刻出胥口下太湖行十餘里漁人獻饌魚銀魚叫漁人撒網親閱獲大魚二尾

皇上下悅命賞漁人元寶撫院同按察使先到山少頃有獨木船二隻撥棹前行

御舟到岾而隨從之輿臺船隻未到宋撫院備大竹山轎伺候啟奏過

皇上升輿云倒也輕巧時有耆老百姓三百餘人執香跪接又有比邛尼跪而奏樂

水滸傳  
皇上命賞元寶其時提督張撫院宋侍衛二十餘人翠峰  
寺僧超揆步行扈從先驅引路者倪巡檢陳千總也  
駕幸席啟寓東園

皇上問席何官職奏云工部虞衡司主事

皇上問為何不做官奏云告養親在家進茶進百家唐詩


四套蘭花二缸

皇上問超揆你住處在那裏奏云此去還有三里路

皇上云不去罷即

命起

駕乘馬而行分付侍衛喚百姓們看又分付衆百姓不要




踰壞田中麥子其時萊子已結實成角

皇上命取一枝細看問宋撫院何用奏云打油又分付賞  
老人元寶登舟喚起揆跼船頭上開船到余山有水  
東百姓告菱湖莆埧田賠糧收紙付宋撫院辦理是  
日更深到城進

行宮明日

駕幸浙江

吳廷顯恭紀




原序

聖王之治天下，反古復始，不忘其所由生。於是乎有上治下治，旁治合族而食叙，以昭穆別之。以禮義使人親親，故尊祖尊祖，故敬宗敬宗，故收族而宗法立焉。宗法立而禮俗成，非專藉乎譜而譜系自昭也。圖譜有局職在史官，直以備掌故云爾。三代而下，廢古倍始，繆迷本支，學士大夫往往不知其自。雖有仁孝之心，茫乎無所寓。宗法淪而天下無善俗焉。好古君子顧念本根，則謹脩其譜牒以合族，亦猶親親之意也。然宗法之立，所以獨行於古者，在昔諸侯世國，大夫世家，氏族之傳不亂，而九州各有封域，以居




民鄉里族屬相為維持而不去故禹則三壤錫之土以建國亦錫姓立宗周官冢宰以九兩繫邦國之民必曰牧以地得民而後曰宗以族得民職是之由也自封建廢井疆裂大人無世祿以養族散而不可稽細人無世業以給類輕轉徙萑藟之刺用興當此時欲以大小宗之誼比綴之而弗殊容可冀乎是則宗法之淪起於人自為生而蕩析者之難紀也乃徵諸今日則又有不盡然者以吾所見通都著戴完安樂業之家惟務營貲產厚自封殖夫夫也數典而遺其祖晏然聯兄弟守墳墓也者而漠視若秦人之肥瘠甚則好故之不圖蜡臘之弗齒質素日銷恩愛寢薄



在在皆是若夫轉移執事以陳椽郡國為俗者惟微之新  
安為甚而吾鄉洞庭兩山與之差較其人手指作業率周  
海內凡貫貸廢居縮較百貨方舩接軫灌輸都會者北極  
燕岱南踰五嶺所至鱗集碁置謠俗被服飲食五方雜處  
宜乎易去其鄉而宗黨之不相為矣顧能彊力惇樸謹嚴  
守禮其間又有好古君子序倫理篤恩義倡修譜牒釐正  
系世以闡其積厚流光之德而推夫同氣連枝之愛不謂  
之尤難乎哉席氏姓甲洞庭其先世唐末武衛公由關中  
始徙居是山下距太僕公而滋甚傳二十九矣揚州巨浸  
波盪粘天異石嵌空未實被谷蓋林屋洞府福地之脉隆





厚而席氏鍾之獨多雲仍奕葉琳聊蕃衍太僕公好古君子重惟祖烈以族大散居弗可以莫之鳩也爰蒐輯遺文訊於宗老世類必澄攀附必核考證既的發凡起例俾從子曰啟紘授簡勒成宗譜一書間出示余而余竊寓目父子著代兄弟合蒂骨肉之戚疏咸在也而無失其倫雖未得若古之世族而大宗小宗隱隱其間以至同慶卹示勸懲條制纖悉不越一家而史法已備則可謂尤難也已太僕公殉嗣君克就先志以壽諸梓而謁余序之余觀儒先譜學宋歐陽氏蘇氏竄傳近代魏莊渠先生蕙采二家而尤加詳密今席氏之譜取衷焉油然孝友之思藹然水木



之感矣使人人反古復始如君家即蕩析不足虞而三代  
之禮俗可望也遂書以貽其子若孫繼自今以禫於無窮  
尚顧念根本相與世守而時脩之哉太僕輸財助國恕施  
好禮司馬子長所云千里之內賢人之富者公洵無愧也  
並見紀述茲不具書

康熙元年歲次壬寅嘉平月通家眷侍生吳偉業拜撰






Faint vertical text columns, likely bleed-through from the reverse side of the page, containing characters such as 北唐, 府志, and 卷之四.


原序

乙未冬十月余過洞庭止席岡卿西園卿之孤文昱文興  
文遠三子者見姿表俊特儀容舒恬嘆曰岡卿後矣文表  
者名啟紘卿之姪手其世乘進曰先生知我叔氏者篤父  
子和兄弟肫肫淳淳切切如也曩亦欲推自先祖搃厥後  
裔乃嬰憂患積疾苦疽發背也每沉頓中呼某授指事世  
乘已稍愈囑卒業某退次第故典考列宗支刪繁補略近  
者正遠者備謹一綫之緒惜微文之諱歷年歲書成言甚  
質意甚勤然一皆言升氏言也頃者將授梓而升氏背未  
果何幸先生之至敬呈藁其可也者為之序余遜不敏已

曰交卿厚何為辭乃受乘而讀讀而思思而起嘆曰此一家之乘哉家有乘國有史固將以謹事實明人倫陟明黜幽也是故褒貶出焉賞罰寓焉春秋魯史孔子以一國四  
百餘年之筆削進退群公刺獎卿士天王尊而黎氓正繇  
是志也一家有作夫豈虛然使夫源流不忒親疏以辨臧  
否不借賢不肖以嚴本吾仁愛之心垂先澤而佑後大宗  
小宗無或奸嘗支子曾元莫不恪式一家然一鄉然一國  
一天下然然則君王孤貳何必別求治道大夫人士各以  
向於仁風故曰知其說者之於天下如示之斯矣嗚呼乃  
見之席氏之書哉曰夸乎於此書也曰安夸今世家大族




莫不乘也而有二棄漫無惻惻委之宗宗老老故事焉而不敬不敬則惱無慕於善無傲於不善已將墮人安師是為一棄子繇父著族以氏傳一父之子而氏別族遠不越卑祖尊不舍親祖踈義之限也然而為廣大者必本帝王宗神聖遂竒禱編戶倏焉不後是為一棄今席氏乘無二者之病也觀其書引其指嘆其居然作者之志焉戊子之叙曰先賢重祠祭詳譜系所以定宗法惇一本名族世家必以始遷之祖宅兆所托靈爽所依為一氣相感也故叙世報享必徵其實若假托疑似吾將誰欺觀斯言也無廣大之棄矣癸己之叙曰受祿承家必有高曾之矩以篤其







慶族居安土必有祖先之澤以發其祥我族淳謹尊行之  
詔卑幼必名相見有藹然之色斯風既替五世十世之親  
咄嗟爾汝卑以抗尊侈以驕儉不肖以侮賢謹誦無如導  
揚嗜欲故我太僕憫彼淪胥勗之仁讓觀斯言也無怕忘  
之棄故其作也不本襄陽尚書而本關中武衛自唐季而  
遷睢東山以上將軍之墓窀穸依然席公之居衣冠已舊  
一父三子絕未模糊上中下席朗分枝派故曰世乘可謂  
無廣大怕忘之患而有仁愛佑啓之心其惇本重先者矣  
夫本吾生也先吾親也生之親之而非生非親以欺之世  
乘恥也乃重遷徙上席外徙其族者四中席外徙其族者



九下席外徙其族者三謹書之冀其返也念其徙也何以  
然曰親吾親也俾向之所以尊卑無紀紀之向之所以休  
戚不係係之即愚夫愚婦旁幹遐枝不難親親長長而况  
其近且指焉乃嚴羸呂不敢借上世而敢借亂血世乘志  
也乃別緇黃雖我子也他子之世乘外也乃謹絕續族之  
子宗之孫也異姓相恤矧於同苟念我先母棄厥後護衍  
成立不忝於祖世乘慈也乃重門內門內者門外之化也  
女貞者家人之道也惜一娶再婦著泚墨以別嫠恆寡揚  
貞古今一同似世乘獨也勗晚節而俟之論定尚幾諫而  
愧之證羊子不傍母以立長幼贅必書系以示有先凶終




辨侮當之文備書教忠孝之則所撰若此吾故有以觀其志也物躬砥志以不自菲薄念祖敬後以求合綱常匪善何克匪賢何適吾故曰居然作者之志魯春秋特有聖人之微妙存焉爾而豈有他道哉其以此道一天下扶人紀以正人心蓋夫子曰人人親其親長其長而天下平且余之交同卿於李也親其德厚悉其存心大德不踰小善必謹君子之選也會數飢賑凡三而卿代有司活百萬人當宁降璽書褒美已而同朝各事皇華遂不復晤鼎革以來卿卧東山不入城闔半步至鬱鬱疾苦以終蓋其大節如此而以觀于乘也躬之而後言也憂時慮俗退謹其家文




表曰吾叔氏篤父子和兄弟吾受其指而次第條布誠相  
須之殷若又設之以義田以周貧乏需緩急立之以義塾  
以教孝弟養秀良置之以義塚以恤孤露掩骼謂之厚  
所宗可謂之風末流亦可其自一世至三十世自今三十  
世歷百千世風規流映精爽式依時代殷遙禮宗不亂豈  
非釐正一朝珍重千載之志所留遺者焉脫令天下之為  
家為世者而咸矜斯志士也大夫也卿公也人不自率於  
先不自謹於躬不自啟於後亦鮮矣人人率先物躬以啓  
其後不便成數世之大治乎故我觀席氏乘而樂為之叙

蘇州舊李通家眷侍生倪長珩頓首拜撰



冰履府以支計

字定世家




家乘叙

先王因生以賜姓因國土字謚官邑以命之族自同而異者黃帝之子二十五人別為十二姓自異而同者斟彤褒費繒辛戈並為姒般來宋髦蕭黎華向並為子嬴之趙以封田之第五以徙避讐也棘而棗矣吹律也李而京矣帝諱也在而嚴矣流傳久遠祖遷戚卑本枝繼尋斧甚而通婚媾焉君子惡其瀆也立大宗小宗之法大宗之嫡通百世百世之小宗宗之小宗之嫡通五世五世之羣兄弟宗之自杜元凱九族之注以黨為族班孟堅四宗之論以庶乳嫡天下小加大淫破義者轉相傳會溷敬名實而宗法


廢矣子若孫苟能揆厥源流家為一乘別昭穆之位明貴  
賤之等定尊卑之名辨親疎之序宗法廢而不廢其餘志  
也夫其餘志也夫昔馮商受詔續太史公十餘篇書稱富  
平侯之先與留侯同祖而司馬遷不言故漢書亦闕雖作  
史者之慎哉要亦富平雅不願傳留侯乳其宗爾竊聞故  
老相傳始祖武衛公唐尚書席文公之五世孫或云七世  
孫余不敢知曰武衛公為尚書公五世七世孫亦不敢知  
曰武衛公非尚書公五世七世孫願武衛公於唐末由關  
中遷吳震澤之東山余東山之席則以武衛公為始祖而  
已故為叙次一世至三十世志世系國語曰婚姻禍福之

原利內則福由之利外則禍由之此言有國也惟家亦然  
利內若大任大姜者家道昌利外若伯姑妘者家道亡  
志婚媾婚媾正而子孫繁育為酒醴牲牲報其祖考春秋  
祀享祭同廟拜同席飲同爵踈者屬之競者和之甚盛舉  
也志家祀席之族夥矣聚族而居以姓榜其里挾輶賞而  
之楚之豫之徐之淮之毫者因携其家家焉庶幾有首邱  
之思乎志居徙賀循曰奸回淫亂告廟而不列於宗願此  
人不罹天禍則正國刑有恂恂孝弟篤行履道者乎有推  
財好施不苟然諾者乎匿之不祥志名德孫妘教死其子  
負薪於楚陳祐牧豕長垣澤中夫相國予二千石子尚爾






况莞莞編戶之孤哉且誓柏舟歌黃鵠所謂天窮者我以  
時撫恤周其匱乏而樹之於德其誼然已志孤寡殤有上  
殤中殤下殤祭有陰獸陽獸宗子殤特牲不舉無所俎無  
元酒不告利成是謂陰獸庶子之嫡子殤祭於宗子之家  
當室之白尊於東房是謂陽獸古禮也志殤亡異姓不為  
後神不歆非類也且以莒滅鄆與陳季弼出嗣外祖而婚  
其本族劉氏不可言矣故乳姓瀆倫莫茲為甚志贅繼葬  
者藏也孔子少孤不知其墓問於聊曼父之母然後合葬  
於防則樹碑碣遠樵牧除荆棘時拜祭仁人孝子事哉志  
塚墓凡此九者所以綱吾世乘也嗚呼三十世以上余莫



得而詳已三十世以下余亦莫得而詳已後之人紹述修  
明則三十世以下可詳由三十世訖百千世可詳也  
明授亞中大夫太僕寺少卿晉加一級移封唐藩留都副  
節使前文華殿中書舍人二十九世孫本楨盥手謹序




<p>孫西籍四三十五世以平余亦莫得而書也對三八</p>	<p>即隨三十五世以平世籍由三十五世百十五世下籍</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>	<p>世籍由中大夫大對中世籍合以二</p>
-----------------------------	------------------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------

辭畧

吾族自始祖關中將軍居此土以來至於今日傳子孫且三十世山中固多故家未有綿歷久遠若斯者也但為世既久枝分派殊宗緒益繁則本始益難稽核且或絕或嗣或客或遷繼續之際次序易淆姓氏別立源流已昧至不復有長幼遠近之辨室廬塚墓之識歲時會聚之制吉凶慶恤之文余甚懼焉曰思先王以孝治天下立大宗以主百世不遷之服與祀又立小宗以主五世則遷之服與祀大宗為始祖之適小宗為高祖之後二宗既立則統系明疏戚貫服祀秩情文彰人治之大者也而是志也必得世

譜為之臚列而宗法始備近世二宗已不立而譜牒苟存  
猶能使後之人按之而可詳溯之而可紀爰是慨然於水  
源木本之義而悽惕於春露秋霜之思以聯屬其族人而  
謹脩其宗法此豈可苟焉而已哉每念及世譜一事中心  
怛怛欲一條輯之又自愧不文無以闡先世之幽光動後  
人之興起因舉所藏壬寅譜及兩伯父所集譜共三書屬  
之吾姪吾姪勉哉刪偽核實旁搜總麗微示勸懲顯昭敦  
睦是在子也已是在子也已叔本楨手書



書法


封誥書所以責忠旌表書所以勸義壽考書忌辰書所以  
教孝年庚書所以序長幼塚墓書所以重本原且防湮廢  
也殤亡書憫其知子道先賢有降服祭葬之制不軼其名  
所以廣慈也妻之前後正副之嫡庶子承繼尤備載之其  
詳且慎焉尊尊卑卑各安其位而齊家之道存矣

子既出繼必書其名所嗣父之下而孫支即系焉所以隆  
嗣續之義重祀享之寄也猶得註名於本生父之下詳其  
所自出以辨昭穆其合於禮律則為美不合於禮律則為  
刺也

名家譜例類有與善斥惡之文紘不敢僭亦不敢廢也先賢程伊川有先世遺事劉靜脩有前代雜事二書誠欲後人感發而光裕之也凡屬可訓安得不紀其有顯惡為衆所共棄者亦必書其事實為怙終不悛者戒

聞之倡化刑家為本興宗擇婦為先歷觀門祚之盛未有不資內助者自親迎之禮不行而夫道已虧七出之條不誦而婦道不正牝晨釀禍憂在蕭牆非細故也有孝敬勤儉墨守婦閑者必謹書之用彰懿德作範來茲

幽貞苦節風紀攸關凜凜冰霜增光譜牒視彼脂韋丈夫直應愧死無地凡遇此等書法尤嚴搜隱默不阿一字



洵足補坊表之遺備輜軒之采者綱常名教咸嘉賴之非  
止吾宗之美而已

先賢禮制凡下殤之祭祭止父母之身中殤之祭祭止兄  
弟之身上殤之祭祭止兄弟之子之身豈非以漸脩子道  
年近成人慈孝同揆死生一體故稱恩制典垂訓無窮乃  
有完姻主爨已經奉養多年不幸蚤世父母不為定嗣或  
後補立恩義不屬因之絕祀何以釋亡者之恫慰孀貞之  
志乎凡遇此等必謹書無嗣一罪其父母不能存仁一咎  
族長不能執義為末者戒

凡援立贅壻外孫及異姓等親為嗣者必謹書招贅某姓



傳家某姓不書某繼者不克繼也特書其姓者以明神不  
歆非類民不祀非族猶之莒人滅郕之文也出贅之子書  
嫡系欲其歸宗猶之招贅之壻書異姓欲其返本皆宗譜  
所當首辨也書曰傳者產有所屬則賦役歸之止爭之意  
寓焉

族人遷徙遠方豈無賢裔敦念同本者欲使按文推求例  
不得混書致失其實今分三日凡挈妻孥備囊橐而遷者  
書曰徙家凡承祖父邸業因之在彼生聚者書曰留寓其  
非家非寓趨食羈身多年不歸者書曰流客其祖墓故廬  
皆得註記後有歸宗者庶不迷其本焉


棄家披剃受戒叅學者書曰學佛所以損外教勿使瀆倫  
若孤貧無依自幼寄食菴觀者書曰為僧為道以示失於  
收恤亦親支有力者之責也

考終凶折舒慘殊途生順死安聖凡同願若不幸而遭公  
治之縲紲伯牛之惡疾則福善禍淫之說未可例為懸斷  
也今死於凶災必書死於刑犴必書微文區別示警將來  
良以子道歸全為正人生處死為難烏能闕而弗論哉

按壬寅譜註子名各傍其母辛巳譜仍之似乎啟畛畦之  
漸消長幼之序矣今序齒列書則親愛無間詳註所出則  
禮制不愆又書繼娶凡屬再醮則削去娶字特揭其例於

簡端彼亦知擇德而配從一而終為人倫大閑踰之為醜乎但為子若孫遇父祖過舉當竭誠諫止若墓木已拱訾論無忌毋乃蟻親傷義類證羊之直乎又書配某氏添註其法名尤為不典近世異端簧鼓尼媪風靡凡全德賢媛晚年被其誑惑鮮不拜僧受戒羨稱法名亦止見之供器文疏其為越禮亂常虧玷非細後人何得登譜復貽身後之譏今槩不書以存家法


一寡居貧婦親支無靠不能存活者其或改醮則槩削而弗載至有遺貲不薄招彼美而車遷育孤已長賦凱風而顏厚削之則子託空桑著之則名污竹素並從墨泚以別



貞發蓋醜其行不得不諱其族姓也

丈夫蓋棺事始定古人尤重晚節常懼以一青喪其生平  
是以生者不立傳古今之通典也我宗碩德林立未敢載  
筆者恐蹈不敬之罪非靳之也

宗孫啟紘齋宿拜手書



奉旨欽此

長以士林不並朝古之


大夫其辭博敏

其辭其行不

宗法引證


我始祖武衛公為大宗百世不遷者也其餘俱是小宗或  
繼禰或繼祖或繼曾祖或繼高祖總以適長為斷若第二  
世武衛公子三長尚公既為大宗矣其次常公又次當公  
並為小宗之祖五世則遷者是也常公子自勤公此繼禰  
之宗也如有弟即不得稱宗以繼禰之有長子也自勤公  
子二長養中公此繼祖之宗也養中公子二長知行公此  
繼曾祖之宗也知行公子德重此繼高祖之宗也自德重  
公遞傳至寶二公凡十四世俱單傳世世為繼高祖之宗  
寶二公子二長道卿公道卿公子彥祥公彥祥公子二長

孟皐公孟皐公子四長公冕公公冕公子亦四長克常公  
克常公子二長伯瑾公此六世亦世世為繼高祖之宗克  
常公次子愛松公不得稱宗宗其繼高祖者愛松公子四  
長聽濤公此繼禰之宗也聽濤公子三長怡泉公此繼祖  
之宗也怡泉公子四長觀源公此繼曾祖之宗也第四子  
右源公亦不得稱宗宗其繼曾祖者右源公子香林公此  
繼禰之宗也香林公子四長文昱公此繼祖之宗也次子  
嘯濱公亦不得稱宗宗其繼祖者嘯濱公子三長苾庵公  
此繼禰之宗也苾庵公子愚山公此繼祖之宗也愚山公  
子纘修公此繼曾祖之宗也纘修公子義邨公此繼高祖




之宗也不肖存震為必菴公嫡元孫是亦繼高祖者下此  
則必為我後者為繼高祖之宗我諸弟之長子始得稱繼  
禰之宗此宗法千古不易之定理也

裔孫存震謹述









席氏譜系源流考

古者圖譜有局職在史官所以備掌故也三代而下宗法既廢譜牒闕如往往學士大夫不知所自出嗚呼何其謬也儒先譜學宋歐陽氏蘇氏為近古明魏莊渠先生踵行之我宗席氏世譜則又兼仿諸家折衷而成之者按席氏自晉大夫籍談之祖伯儵氏司晉典籍因以為氏至裔孫瓌避項羽名改為席漢初自關東徙居安定自是厥後代有聞人若晉建威將軍衡公乃瓌公之裔孫也徙居襄陽遞傳至子堅固公仕北周昌州刺史封新豐縣公進郡靜安郡公卒贈大將軍謚曰肅乃建威公之元孫也又遞傳

至建侯公諱豫徙河南唐長安中擢上第由監察御史仕  
 至禮部尚書累封襄陽縣子卒贈江陵大都督諡曰文乃  
 肅公之七世孫也又遞傳至武衛上將軍厚君公諱溫乃  
 文公之五世孫也復由關中徙居吳郡洞庭東山是為江  
 南席氏之始噫自武衛公以來又千有餘歲矣閱世三十  
 有五子姓以數千計非武衛公之遺澤孔長不及此顧族  
 大而莫之鳩則易淆而我族尊卑之序貴賤之等親之辨  
 井然秩然若網在綱有條不紊實惟譜牒是賴抑又思之  
 舊譜之言曰族之外徙者尚公後四一居河南開封府太  
 康縣臧家集一居歸德府廐邑縣孔家集一居鳳陽府亳




州一居江寧府六合縣常公後九一居湖廣德安府隨州  
一居徐州韓家道口一居鳳陽府亳州一居亳州城東郊  
一居淮安府宿遷縣一居邳州黃兒山一居江寧縣上河  
一居松江府青浦縣一居常熟縣楊尖鎮當公後三一居  
鳳陽府盱眙縣一居江寧縣上河一居松江府上海縣由  
是而觀則知武衛苗裔星羅棋布已蕃衍若是何况遠祖  
以下凡散處于四海九州之內者又安知所紀極哉雖然  
支派雖殊淵源則一為子孫者誠能以祖宗之心為心尊  
祖故敬宗敬宗故收族於以序倫理篤恩義即先王錫姓  
立宗之意亦於是乎在故君子觀於杜元凱九族之註以




黨為族班孟堅四宗之論以庶亂嫡未嘗不歎著述家之  
滄海橫流也

裔孫存震謹述




洞庭席氏重修支譜後序


我宗世譜之刻始於萬歷戊子七世伯祖觀源公所纂左源公續修於崇正辛巳者也體例雖嚴蒐羅未備至我六世祖太僕香林公旁搜遠紹殫十年心力勒成宗譜一書書成刻未竣遂歿越二載五世祖中翰嘯濱公竟其緒是在順治丁酉之秋康熙壬申五世叔祖虞部治齋公又取全譜而增訂之考證異同益詳且慎迄今又兩週甲子矣雖其間支譜之修有太守澹庵觀察東周兩叔祖刊於乾隆乙未丙申歲而山中子姓派別支分蕃衍日盛非有譜牒以聯其情恐族大散居而莫之鳩也今年秋耐庵弟來




自洞庭出示手輯宗譜一十二卷自我八世祖贈同卿怡  
泉公以下觀澄左右四大族支縷析條分燦焉具備益歎  
耐庵之用心不可及也蓋自宗法廢而禮俗衰惟譜系一  
節最為近古然而族盛丁繁閱世既久遷徙不一於此而  
欲修而舉之非大有力者不能今耐庵以清白吏子孫家  
無擔石獨能出苦心具全力舉百餘年前人未竟之業一  
旦敬承弗替則事雖因而功同於叔反古復始之道具在  
是已震太僕之庶孫中翰之嫡孫也移家四傳先人桑梓  
之地間歲未能一至而於尊祖敬宗收族之義實未敢一  
日忘若耐庵者視之有餘愧焉繼自今離者日以合疎者



日以親訂通族之全譜以繼美流光匪異人任也耐庵其  
勉乎哉因綴數語附諸家乘後壬戌秋八月既望三十五  
世孫存震盥手敬識







洞庭東山席氏支譜

三十五世孫存震敬錄

恩榮考

第二十七世

席洙 配鄭氏 繼吳氏


明誥命一道 贈亞中大夫太僕寺少卿

明誥命一道 贈太淑人

明誥命一道 贈太淑人

第二十八世

席端攀 配吳氏



明誥命一道 贈亞中大夫太僕寺少卿

明誥命一道 封太淑人

第二十九世

席本楨 配吳氏 貳延氏 譚氏

明誥命一道 授亞中大夫太僕寺少卿


敕命一道 贈文林郎工部虞衡清吏司主事

誥命一道 贈資政大夫戶部貴州清吏司員外加七級

明誥命一道 封淑人

敕命一道 贈太孺人

誥命一道 贈太夫人



救命一道 封太孺人

誥命一道 封太夫人

誥命一道 贈太夫人

第三十世

席啟兆 配翁氏


救命一道 贈文林郎兵馬司副指揮

誥命一道 贈奉直大夫行人司行人加四級

誥命一道 贈資政大夫戶部貴州清吏司員外加七級

救命一道 贈太孺人

誥命一道 贈太宜人



誥命一道 贈太夫人

席啟圖 配嚴氏

誥命一道 贈奉直大夫行人司行人加四級

誥命一道 贈奉政大夫光祿寺典簿加五級

誥命一道 贈資政大夫戶部貴州清吏司員外加七級


誥命一道 封太宜人

誥命一道 封太宜人

誥命一道 封太夫人

席啟疆 配陸氏

敕命一道 贈文林郎兵馬司副指揮



救命一道 贈太孺人

席啟寓 配吳氏

救命一道 授文林郎工部虞衡清吏司主事

誥命一道 授奉直大夫工部虞衡清吏司兼攝營繕屯

田司主事管理街道督理寶源局事務加二


級

誥命一道 贈中憲大夫陝西西安等處督糧道

救命一道 封孺人

誥命一道 封宜人

誥命一道 封太恭人



第三十一世

席永勛 配金氏

救命一道 授文林郎兵馬司副指揮

救命一道 封孺人

席永勛 配金氏


誥命一道 授資政大夫戶部貴州清吏司員外加七級

誥命一道 封朝議大夫工部都水司郎中加一級

誥命一道 贈夫人

誥命一道 贈太恭人

席永渤 配陸氏



誥命一道 授奉政大夫光祿寺典簿

誥命一道 封宜人

席永恂 配吳氏

救命一道 封文林郎翰林院庶吉士

救命一道 封孺人


席前席 配徐氏

誥命一道 贈中憲大夫陝西西安等處督糧道

誥命一道 封太恭人

第三十二世

席瑗 配陸氏





誥命一道 授朝議大夫工部都水司郎中加一級

誥命一道 封恭人

席玕 配陸氏

敕命一道 贈文林郎山東鄒平縣知縣

誥命一道 贈奉直大夫山東濟寧州知州


誥命一道 贈朝議大夫內閣侍讀加三級

敕命一道 封太孺人

誥命一道 封太宜人

誥命一道 贈太恭人

席琢 配徐氏 繼何氏 貳龔氏



誥命一道 贈奉政大夫貴州都勻府八塞同知

誥命一道 贈中憲大夫河南開歸陳許河道

誥命一道 贈太宜人

誥命一道 贈太恭人

誥命一道 贈太宜人


誥命一道 贈太恭人

敕命一道 贈太安人

席瑋 配吳氏 繼吳氏

敕命一道 授承德郎光祿寺署正

敕命一道 贈安人



救命一道 封安人

席釗 配鄭氏

救命一道 授文林郎翰林院庶吉士

救命一道 封孺人

席鏊 配何氏


救命一道 授徵仕郎內閣中書舍人

救命一道 贈孺人

席雍 配李氏

誥命一道 授中憲大夫陝西西安等處督糧道

誥命一道 封恭人



字定七家

第三十三世

席芬 配金氏 貳曹氏

敕命一道 授文林郎山東鄒平縣知縣

誥命一道 授奉直大夫山東濟寧州知州

敕命一道 封孺人


誥命一道 封宜人

敕命一道 封安人

席紹葆 配宋氏

誥命一道 授奉直大夫廣東萬州知州

誥命一道 封朝議大夫內閣侍讀加三級



誥命一道 封宜人

誥命一道 封太恭人

席蔚

敕命一道 授登仕佐郎六安州巡檢

席芑 配楊氏


敕命一道 授文林郎河南考城縣知縣

誥命一道 封奉政大夫貴州鎮遠府台拱同知

誥命一道 封奉直大夫雲南雲龍州知州

敕命一道 封孺人

誥命一道 封太宜人



誥命一道 封太宜人

席健 配徐氏

誥命一道 授奉政大夫貴州都勻府八塞同知

誥命一道 封宜人

席紹萊 配嚴氏


敕命一道 授儒林郎候補州同

敕命一道 封安人

席紹董

敕命一道 授修職郎河南儀封縣縣丞

席萇 配何氏



救命一道 授承德郎江蘇淮安府山盱通判

誥命一道 授奉政大夫山清裏河同知

誥命一道 授中憲大夫河南開歸陳許河道

救命一道 贈安人

誥命一道 贈宜人


誥命一道 贈恭人

席紹雯 配蔣氏

救命一道 授徵仕郎浙江鹽運司庫大使

救命一道 封孺人

席紹凱 配阮氏



救命一道 授文林郎安徽宿松縣知縣

救命一道 封孺人

席紹容 配蔣氏

誥命一道 授中憲大夫戶部山西司員外郎加三級

誥命一道 封恭人


第三十四世

席綺 配鄭氏

救命一道 授承德郎湖南衡州府清軍鹽政糧捕通判

救命一道 封安人

席續 配江氏 繼嚴氏





救命一道 授承德郎江西建昌府糧捕通判

救命一道 贈安人

救命一道 封安人


席世綬 配嚴氏

席纘 配徐氏

誥命一道 授奉政大夫貴州鎮遠府台拱同知


誥命一道 封宜人


席世綉 配楊氏



誥命一道 授奉直大夫雲南雲龍州知州

誥命一道 封宜人





諸命一... 姓直人... 諸命一... 姓直人... 諸命一... 姓直人...

坊表

巖壑經綸坊

為太僕寺少卿席本楨立

經魁坊

為康熙戊子科中式舉人席瑋立在東山王衙前


經魁坊

為康熙辛卯科中式舉人席玕立

文魁坊

為康熙甲午科中式舉人席巖立

經魁坊



為康熙庚子科中式舉人席吳釗立

文魁坊

為雍正癸卯科中式舉人席吳鏊立

進士坊

為雍正癸卯 恩科中式進士席吳釗立


文魁坊

為雍正己酉科中式舉人席陸菡立

文魁坊

為雍正己酉科中式舉人席祐智立

節孝坊



為席永臻妻金氏立在席家湖

文魁坊

為乾隆壬申 恩科中式舉人席紹凱立

文魁坊


為乾隆壬午科 順天中式舉人席世綿立


文魁坊

為乾隆甲午科 順天中式舉人席錢圻立

文魁坊

為乾隆 科 順天中式舉人席汾立





洞庭東山席氏支譜

三十五世孫存震敬錄

世系

席於古為籍晉大夫伯儵氏司晉典籍因以為姓後  
改籍為席避諱也漢魏而下代有聞人顧譜牒散佚  
世系無由考故自遷吳祖武衛上將軍始

温

尚

常

自勤

養中

知行

德重

汝安

當

得中

知止

子方

立功


堯壽

應麟

國臣

大家

可向





三省 欽貴 正名 安邦 庭芝 伯達 彦祥

伯賢

轅一 程 綱 瑾

轅二 稠 紀 璇 鈇


襖 昂 鉞 泗 楚

遜 昇 波

端攀

端樊

本楨 系詳支譜



著代命名詩


端本啟永祜

紹世存元素

裕德與時行


秉維昌爾祚

按順治甲午七月重編此詩以命名著代蓋仿前賢之令矩欲使世次分明也今族中各支或遵或否未能畫一甚有名字雷同至三四見者若祜字從示從古而半訛作祐則與素祚二韻不叶矣已悉為釐正願從此守而勿失凡我族子若孫當命名時詳考譜系謹避上世尊行名諱而於各支昆弟間勿得彼此相軋溷淆無辨則百世承祧昭穆



不紊是亦先公敬宗惇族之志也夫康熙壬申八

月朔旦啟寓謹識



洞庭東山席氏支譜

載記

梁東陽郡守湘西侯謚威公像贊

公諱闡文字

安定臨淄人也初守東陽政尚寬簡比

之名父杜母焉及冬至悉放獄囚期以來歲入獄待

聞其名改封湘西侯去郡既久邑人於石以為永傳乃


作頌曰

猗歟席侯世篤忠貞鍾英安定樹邑

惠威並濟代文

以質政宗簡易甘棠

福曜斯臨俾民戩穀澤及罪




以褒封朝欽茂異野仰芳容追摹

允言


式瞻席侯邈矣遺愛在民懿範

竹帛所光德裕後昆永世克



周昌州刺史子堅公像贊

丰儀儼然襟懷曠然歷刺名郡久而彌賢不知公者以為  
公之仕也盖易節而屢遷而諒公之懷者以為公之明也  
亦將擇主而仕乃舍彼而言旋故慮公之志在潮州改授  
之日而悃誠愈篤著昌州終仕之年



集賢殿手敕

敕鄭州刺史席豫卿以偉望屢中詞科前授考功職詳事  
允繼任司牧俗美化行冲素之操朝望攸歸歷職之庸羣  
情允協卿其同典銓衡矢公黜陟申此懿績以副朕懷


開元二十一年夏六月八日

席文公新唐書原傳

席豫字建侯襄州襄陽人後周昌州刺史固七世孫後徙  
河南長安中舉學兼流略詞擅文場科擢上第時年十六  
以父喪罷復舉手筆俊拔科中之補襄邑尉奏事闕下會




鄧愨太子難安樂公主請為皇太女豫曰昔梅福上書譏  
后族彼何人哉乃上疏請立皇太子語深切人為寒懼太  
平公主聞其名將表為諫官豫恥污詖謁遁去俄舉賢良  
方正異等為陽翟尉開元初觀察使薦豫賢遷監察御史  
出為樂壽令前令以親喪解而豫母病訢諸朝改懷州司  
倉參軍復舉超拔羣類科會母喪去服除授大理丞遷考  
功員外郎進絀清明為中書舍人與韓休許景先徐安貞  
孫逖名相甲乙出為鄭州刺史韓休輔政舉代已入拜吏  
部侍郎元宗曰卿前日考功職詳事允故有今授豫典選  
六年拔寒遠士多至臺閣當時推知人號席公云天寶六




載進禮部尚書累封襄陽縣子凡四以使者按行江南江  
東淮南河北南方俗死不葬暴骨中野豫教以埋歛明列  
科防俗為之改豫清直亡欲當官不為勢權所撼性謹畏  
與子弟屬吏書不作草字或此細事耳何留慮荅曰細不  
謹况大事耶及疾篤遺令三日歛歛已即葬勿久留以黷  
公私貲不足可賣居宅以終事卒年六十九贈江陵大都  
督謚曰文帝嘗登朝元閣賦詩羣臣屬和帝以豫詩最工  
詔曰詩人之冠冕也弟晉亦以文名當時


清河張叡書



晉大夫籍談之祖伯儵氏司晉典籍因以為姓裔孫瓌  
避項羽名改為席漢議郎廣公其族裔也其先處關東  
至漢始徙安定迨後周昌州刺史固公奮迹襄陽而望  
始著開元中固公七世孫豫公復徙居河南而族始蕃  
是謂河南席氏之始也且以庸才謬叨恩眷得擢上第  
深念祖澤無由追溯冀得延訪故老徧求遺帙以為家  
乘光丁卯孟春適從族伯司封郎中君從公遊公年躋  
大壽粗能道一二典故以為唐僖宗時文公有五世孫  
二人曰溫曰涵為關中望族溫歷武衛上將軍而涵尚  
少會黃巢兵起荼毒生靈涵奉母避亂卒於興元無嗣



溫在長安黃巢破長安乘輿播遷唐室勲臣殆無遺類  
張直方多納亡命公卿匿于複辟巢知盡殺之溫公慮  
不免且恥膺偽爵乃挈子南隱遷於吳震澤洞庭之間  
復歷九世立勲公賈於洛買宅以居焉始與君從序宗  
支之誼知立勲公為君從公之族叔而即旦之從祖父  
也粵溯自豫公至今凡十有五世而自溫公始則僅十  
一世也余家居洛已久不識先世遷自何人及於何代  
郡守志無稽又豈敢意為補綴今立勲公既卒其子扶  
柩南歸未得同訂考詳譜誼然備知余祖本基於文公  
而又與吳之東山同系甚明矣往歲出守成都都人有



自襄陽來者携子堅建侯二公像傳及唐文王手敕建  
侯一紙見示余喜出望外乃不惜以重值酌之裝為一  
卷置之家祠使子孫展對而知木本水源之意云爾獨  
念余老矣益子復以王事鞅掌未得并力搜訪以成一  
家之書倘異日奉告還家必將遍彙族譜共訂成帙并  
二公遺像并之於首以無忘先烈則旦與益子其尚勉  
之哉

述古殿大學士喬孫旦薰沐敬識


述古殿大學士晉仲席公像贊

是為晉仲公遺容公之詞翰大雅春容公之學力經濟  
蟠育誕英安定道顯德融敏姿絕世川嶽靈鍾戰守一  
策名徹九重成都再牧蹟並黃龔繼佐銓部仕進弗壅  
臺閣偉望首推我公前孰為祖安定之譜建侯是王後  
孰為繼名卿雲麗以昌厥世遺容在卷展對肅然雲初  
世守德澤綿綿斯豈特仰先哲之懿範亦將勗後裔之  
勉旃也

龍圖閣學士楊時恭贊

姓氏既立以正婚媾以序昭穆瀆姓者比於瀆倫然始

之枝葉未蕃源流不遠豈憂淆亂迨世輩漸多散處四方無由詳考雖然譬之江河之水出於宿海即千岐百派自可沿流而溯源也余祖自更姓之後漢魏而降代有闡人光祿以明經著諱廣經明行修陰興荐為光祿勳豫州以廉和稱諱法友仕魏為豫州刺史封苞信縣伯東陽以才能顯諱闡文仕南齊為雍州刺史梁武帝時除都官尚書出為東陽守在郡有能名改封湘西侯謚曰威至子堅公七世孫建侯公樹績唐室表表可道五世孫厚君公避地吳中支派繁衍子孫徙居他郡者衆自立勳公流寓洛陽先學士曲詢司封而後兩宗之



派始合會以立勲公之子扶柩南還未得詳盡譜系先  
學士素有志於訂譜然族姓蕃遠非足迹千里歲計數  
年費踰百鎰不得成故未能遂斯念今國家多故日從  
事於兵革之役靖康之變迄今洛陽諸郡銅駝荆棘故  
老宗族鮮有存者其何從詢其源流乎此益之所以彌  
深浩歎也行見羣醜日殲朝野清明當詣東山弔將軍  
之故隴訪宗族之遺賢相與商確訂証庶幾有以追不  
孝之罪而畢先述古之素願也余家向藏子堅建侯二  
公像及元宗手敕一道裝池脫落欲重加什襲適陳伯

以東陽公刻像寄余


東陽公寄余余訝其延津適合遂以先學士




北風唐氏文譜  
像同附於後以為家珍云


紹興三年秋七月參知政事喬孫益謹識

瀧頓首再拜啓伏以閣下雄才碩德為世所推頃聞泰  
預機政朝野咸慶得人比者承手教下頒未遑裁荅罪  
戾滋深聞閣下本建侯公之後為安定望宗知閣下必  
有遺帙可稽瀧近過金華遊硯山之水樂亭亭北里許  
有一碑沒於土而微露其顛乃遣役人出而驗之其文  
半已磨滅不能成誦其像僅得其半尚儼然可觀上題  
云梁東陽郡守席威公像當稽席公於蕭梁時出為東



陽守有郡有能名士人追思立碑頌德想其處耶威公  
為安定族望知與閣下譜誼必合謹搢以獻又擬條對  
策一篇備兵二道附錄呈覽秋風漸厲伏惟起居珍重  
不宣七月十八日陳瀧再頓首






武衛公紀略

公諱溫字厚君關中人禮部尚書豫之五世孫也家世勲  
舊少好韜略長而雄偉膂力絕人屢建奇功僖宗朝累官  
至武衛上將軍廣明元年黃巢破潼關入長安乘輿播遷  
唐之勲臣宗室或承偽署或被誅夷不可勝計公知唐室  
將傾恥汚偽職明哲保身遂挈三子南遊弟涵早卒

贊曰行道者不必終當觀其力之所及守道者不必行當  
觀其志之所立公以關中右族世累簪纓上承尚書公之  
遺緒以文學濟其武畧運籌致勝屢奏膚功遂歷上將迨  
夫世厄陽九梟獍競起公於斯時若劍失銍若斧失柄此

其力之所不及也公乃匿于南遊潛身遠害效范蠡之扁舟五湖其立志明決何如哉昔新莽篡漢稱功頌德者比比獨梅福棄家而隱龔勝不食而卒高蹈節烈之風尤令人深思而想慕焉愚謂龔勝死節於徵聘之時梅福肥遯於未篡之日其揆一也楊雄視此有餘愧矣易曰君子見幾而作不俟終日惟公之謂歟

蓋銜命入蜀成都巨姓家藏書畫名蹟至三百餘軸古文書籍又倍之留連市月披閱幾徧內有唐中興名將韜略及名將遺像一帙其像自郭令公而下及唐末諸臣凡百十有五人而公像適與焉遺容端恪肅然起敬



爰命工臨摹以歸附祖像後并為述行略如此

參知政事喬孫益稽首謹識

司馬遷作同姓諸侯譜王平裔後人效之謂其得史書  
之體要夫家之有譜猶國之有史也然夏殷之禮夫子  
能言而深歎杞宋之無徵豈非文獻不足之故哉席於  
古為晉大夫之後秦漢而降輝煥史冊晉仲公素欲輯  
譜用意搜集乃得子堅建侯二公像及唐元宗手敕嗣  
得又得東陽厚君二公像乃重加什襲命余識其後余  
謂物之聚散各有其時今安定之祖像咸歸則譜系之

淵源有自或者席氏靈爽所憑有以啓佑後人以亟求  
其譜帙未可知也公從此而嗣輯之則譜葉燦然可觀  
矣

紹興十六年壯月題於世恩堂中徐藏子禮父書

至正十一年冬


裔孫 巨川 拜藏

世家作宗譜凡支派官爵里居行實無不書而圖像傳  
贊手澤無存焉間有存者率皆撫攬影似支吾無據而  
珍之為世寶是何異於聞鐘捫燭而遂以為日耶席氏

世有典籍其淪落於四方者不知凡幾今席君巨川分  
符楚地極意搜羅乃得其先代像傳名蹟若干昭如列  
星確如信史其間流傳源委井井不爽較之撫攬影似  
不大相徑庭矣乎席氏子孫寶之當與地靈人傑共垂  
不朽矣

翰林學士承旨圭齋歐陽元識

右安定先世像傳贊敕題記一卷為宋大學士晉仲公  
所裒集而子若孫復從而彙聚之者余歷觀自東陽公  
而下其文章事業俱已勒諸旂常載在史冊而遺容齧






翰猶粹聚於尺素之間矚目再三為之驚異班氏舊德  
之思魏公故笏之歎令人展轉不置嗟乎人之有祖猶  
其有家世無忘家之人必無忘祖之子孫今公於滄桑  
兵燹之際得斯卷於頽垣廢井之間如遊子久客而歸  
見其父母宗族廬墓有欲嘔涕泣隨之者是固首邱之  
仁也淵明詩曰同源分流人易世疎慨然寤嘆念茲厥  
初余於是卷亦云時

至正十又二年秋九月廿日黃潛觀因題

陸天錫拜書



昔武衛公自關中挈三子入吳潛迹於笠澤中之洞庭  
東山是為東山席氏之始稽其時為唐廣明元年冬十  
二月也三子各有分支茲不具載越二十五世而余祖  
式之公自吳之東山來徙是邦士儀遊學江湖歷淮泗

溯浙閩其間得遇吳中族人能述先世事皆符合歲在  
庚子偶入西洛聞有文公後裔珍久居大梁家藏宗圖  
像一卷彪炳人間但族支不蕃訪求之次珍翁携卷謁  
余余喜出意外竭簞奉贈請歸虔供敬先烈也自式之  
公以下復得三世并小宗冊共附於後遵祖訓也惟是  
傳像替記得免歷朝兵燹之患者蓋亦祖宗之靈有以

世族所由來  
呵護於冥默中耳此亦世族之所大幸也歟後世子孫  
寶之儀之愿也

二十七代裔孫士儀謹識

先王慮萬民之氏族或至相淆亂也於是乎有宗法之  
建其後宗法廢而譜牒興自晉魏以及隋唐而民無弗  
譜之族其唐室更有百家百官譜姓苑官氏誌氏族志  
姓系錄韻略姓纂姓解之類該博詳明爰及後世棄弗  
誦是宋歐陽脩用其畧以表唐之卿相仍自作其家譜  
蘇洵亦創為之其規小異近世士大夫或作或述皆倣

二氏而為之亦先王之遺意也余宗自建侯而降代有  
聞人獨是譜帙寥寥鮮有繼述者豈非自棄於先王之  
訓乎漢東席叔英年俊偉受業成均有志斯事以余忝  
在宗誼乃携其先世所藏圖像傳一卷見示命題其後  
展卷之餘正襟改容深嘆升之博雅好文得以致此奇  
珍而春有愧先哲敬言示之為斯卷重也展對再四謹  
為借臨固公豫公二像而并以志叔之緬懷先烈延訪  
不倦如此

嘉靖壬寅三月吏部右侍郎族人春謹誌

祖德頌并序

余宗承晉臣之苗緒裔楚士之遺芳遂支衍千條源流  
百派自茲而降基蹟關東再遷安定著績襄陽而門祚  
昌大奮庸西洛而勛業光昭至於武衛上將軍遭世多  
難丁唐末運宗族分析遁於南土然能聿懷世德弗替  
家風繼不絕之系立始有之基斯將軍之所以紹述前  
徽啟佑後昆厥功非細也將軍既以武功著迨後復  
以文德興宋元而下濟濟多賢既瞻祖像威儀亦覩遺  
文赫奕傳之今日固云罕矣萃之余家曷勝幸哉是以  
小子瞻仰前賢臚述遺烈藏之家廟非敢炫耀人寰綴

以蕪詞聊申罔極下忱云爾

悠悠遠祖司晉典墳避諱更姓在楚攸聞漢徙安定苗裔孔殷篤生光祿於顯斯文

自是而後隱德縣縣亦越晉魏安定有賢司牧濟州治功爛然廉和允著崇封自天

奕世濟美逮於臨邑誕厥威侯幼孤特立出守東陽政行令輯釋獄示惠民皆感泣

襄陽著姓聿稱子堅歷事梁魏擇主而遷繼刺昌州政賴以宣再垂七葉建侯出焉

文功接武方正賢良典選銓胄藻鑒否臧薦拔多士同

列廟廊帝敕宗褒遺翰輝煌


桓桓將軍鬱為人杰韜鈴夙嫻宏才奮發遭唐多難英  
雄氣結挈子南遊賢哉明哲

基業既安令聞日顯詔厥孫謀瓜瓞綿衍散處四方源  
流莫辨迨宋熙元譜緒再闡

其闡惟何司封實知爰及晉仲廣詢博諮南北同系頊  
釋積疑我祖我考受言藏之

於時司封掛冠而還耆英碩彥相與遊盤遺圖在卷儼  
對芳顏高風遠矣邈不可攀

猗歟晉仲幼號神童大廷對策譽望日隆兩牧成都頌



聲孔融歷職銓部休休有容

詒謀既善箕裘弗替命制巴蜀獎拔廉吏趙宋中興輔  
弼是寄緬懷祖烈不墮先志

先志不墮遺文永保歷宋及元居然完好云何散落在  
元末造南陽贊治購作家寶

憶維余祖遷在莫釐再越三世比屋而居孟氏遊洛遂  
獲竒琚錦函玉軸什襲藏諸

嗟余小子寡昧罔知仰溯先哲儀型在斯人亦有言祖  
德我師是則是效中心企而

嘉靖甲辰夏二十七代孫士偉拜撰




人各祖其祖各族其族重一本也郭崇韜拜子儀之墓  
君子恥之宗韜恥其祖之不為子儀故援其非族斯以  
見有宗族而無可傳述可傳述而失所依據皆君子之  
所惜也安定世有文籍子孫復賢且多乃集其若祖若  
宗族贊傳像記御敕名蹟若干彙成一卷珍為世守以  
尊其祖以敬其宗以長其孝慈仁愛之心以惕其繩武  
詒謀之志詩不云乎高山仰止景行行止非名賢世族  
幾能有是哉


少師夏言題

好蓄古者享瘞銘以千金飾石經而重龍襲覆購書盡藏  
蹟數十家輒自擬雲林清秘不知藏古非古而家聲之  
古為真古也今觀席氏是卷自宋元而上溯晉唐中間  
名賢像傳燦若雲霞手敕寵褒光於奎壁不有君子烏  
能致之焚香展閱如入祖廟而瞻禮器固不悵然懷古  
也


萬曆二十八年冬十月二日蜀人李廷貴觀於席氏善  
繼堂中記之




先王知羣聚而居者之無別也因錫民以姓又知族姓之繁多而不能紀也因區民以氏氏也者同出一姓而本與支殊焉者也然則溯姓氏於其初罔不出於一源即千百年後居不同里言不同聲要而論之皆吾祖宗之一體而不可以異視者也安定席氏自唐武衛將軍諱溫於僖宗朝因黃巢之亂挈族南避洞庭東山生子三長尚次常次當德厚澤遠子孫蕃多其始也聚閭而處已有上中下之分其繼也或宦或賈客遊遠方比比皆是余嘗即左源所錄聽濤筠軒兩公奉祀始祖將軍之祠記及太僕寧侯所修之譜而歷按之見外徙者四



如河南歸德江南鳳陽江寧皆上席諱尚所自出外徙  
者又九如湖廣德安江南徐州淮安鳳翔亳州邳州江  
寧松江常熟皆中席諱常所自出外徙者又三如鳳陽  
江寧上海皆下席諱當所自出星羅碁布炳然在列抑  
何席氏支派繁衍若此哉夫居里閭而仰先世之衣冠  
處旅邸而思故鄉之廬墓事雖不同情則無二東山僻  
處吳會當數十傳之後考遺言詢故老一無所證則雖  
以仲遠寧侯之賢且能求光顯其祖宗之蹟而不可得  
其在德安諸賢如孟竒叔章捧遺像述舊聞感慨歎噓  
求一瞻邱壠而有所甚難嗚呼此非有物焉默佑之安



能一旦使豐城之劍龍淵之珠離而復合哉曦中為仲  
遠寧侯從孫歷歲遠遊間關道左凡宗支之外徙者水  
木源本相遇久近輒自印可曦中深幸彼之首邱可待  
歸宗有日也因先挾其所藏以還於山展對之餘不勝  
起敬重為裝潢藏之家祠而請余序之以示世守余惟  
仰承先王分姓錫氏之義沿流逐派總歸一源席氏始  
於中州盛於東山東山之族散於省郡要皆從始祖將  
軍柳風沐雨樹德深厚故其世澤之遠繩繩無已有善  
繼承者出更丕振家聲重光先烈則是帙也詎惟是安  
定家乘光已哉




廣平路振飛手撰

世譜詞

德澤千秋屬後人  
幾經糜蕩委沙塵  
尋宗險陟興元路  
問譜寧依艇水濱  
西楚二難延牀孟  
東吳萬里洽天倫  
先哲流長源自遠  
聖朝雨露更添新

劍合珠還信有神  
祖孫南北敢辭辛  
夔龍德政垂青史  
李杜文章簡帝綸  
千古名賢彪睿藻  
四朝文翰聿天親  
慚余何幸承先烈  
手藝爐香啓席珍

祖德詞



挈族南開奕世基英雄孤掌恥遭罹君恩未得捐身報  
子孝寧忘肇祖儀避世豈緣臣力竭勤王其奈士心離  
長安日下難回首骨日興元夢裡期

水濶天高一碧空莫釐山峙巨區東翠峰塢僻堪怡世  
桔杜巖深可結蓬修竹掃塵青嶂合蒼松毓秀彩雲中  
扁舟得問鴟夷渡脫却征袍作野翁

三十一代孫昇薰沐拜述

從兄衡州別駕綺來自山間携先世像替傳紀并唐  
元宗手敕諸名人題識見示敬誦一過曠然以思油然

以感噫自 先大父愚山公由山遷崑崙歲纔週甲洞庭  
去崑止二百里而於春秋祭祀及宗族婚喪大節恒闕  
如也每一念及怍怍心動安知數十百年之後又何如  
耶然水源木本之思無遠近古今一也語云人能以父  
母之心為心則天下無不和之兄弟以祖宗之心為心  
則天下無不睦之宗族尊祖故敬宗敬宗故收族此物  
此志也今觀是卷之由散而聚由分而合可以識尊祖  
敬宗之意焉因命兒輩錄成一帙藏之若云以此誇其  
家世陋矣

乾隆癸巳十一月冬至前一日裔孫世鎮監手謹識



